

中華民國郵政局特准掛號認爲新聞紙類

中 華 民 國 三 年 七 月 十 九 號
湖 南 官 書 報 局 印 行

湖 南 政 報

本報價目

一本報按照陽歷每日出報一本
一每分每月收回大洋六角
一零售每分銅元四枚

一外埠購報郵費以購報之多寡酌加
一夫役送報如有遺漏請即函告以便補發

湖南官書報局廣告

啓者本局印刷廠製出官紙印刷極精取價極廉已呈由 靖武將軍兼巡按使通令各機關來局購用在案查本局印製各種官紙概由學院街本局總發售處出售並無委託商店代銷情事倘各商店有售賣本局製造之官紙者即係假冒射利一經查覺定即呈請 靖武將軍兼巡按使嚴懲不貸恐未週知特此登報宣告

湖南官書報局廣告

啓者本局前在省城文運街設立總發行所經理出售官紙書報等項現因距局太遠照料不便將該所歸併局內照舊設櫃減價出售嗣後各處有訂印新式官紙購買書報等件者請直接本局交易決不致誤特此登報聲明

湖南銀行佈告

大清銀行清理處
小東街同仁典房屋全棟并基地又連陞街倪姓所住小公館一棟并基地由戴貽穀堂筆譜兄弟憑商務總會會董出筆賣與本行營業特此聲明

目錄

令

大總統策令 京統電

大總統申令 京統電

陸海軍大元帥軍令程式令

大總統批令 三則

飭

靖武將軍兼巡按使飭

飭高等審判廳 據武岡知事詳連飭提訊前城步管獄員蘇俊彥與楊瑞清債務一案由

飭官鑛經理處 據平江官鑛經理處核收仰即造冊具報由批熟金已由該處

詳批

靖武將軍兼巡按使批

批高等審判廳詳各承審員經費由

呈

國務卿呈遵諭設置禮制館召集各員及開館日期籌擬大略辦法請鑒核文並 批令

教育總長湯化龍呈歷史博物館現就國子監地方籌辦擬俟成立後再行開放並令該館兼管文廟情形請

鑒核文並 批令

咨

教育部咨各省巡按使錄送通飭京內外各學校各書坊等中小學校修身及國文教科書採取經訓以孔子之言爲旨歸飭知一件請分別飭遵文 附飭知

國史館館長王闡運咨湖南靖武將軍兼巡按使文

蒙藏院總裁貢桑諾爾布咨湖南靖武將軍兼巡按使文

示

靖武將軍督理湖南軍務湯示

專件

巡按使公署政務廳啓事 (未完)

省城警 察廳詳

附錄

靖武將軍兼巡按使復湖南財政廳長函

靖武將軍兼巡按使復長岳鎮守使函

通告

湖南巡按使公署通告 二則

令

大總統策令

京電

薩鎮冰王士珍均給予二等嘉禾章此令

口濟鐵路總巡洋員司得賜給予四等嘉禾章此令

口仁給予四等嘉禾章此令

張耀將給予四等文虎章口肇隆給予五等文虎章此令

楊珩寅授爲陸軍少將此令

任命戚朝卿兼任熱河都統署審判處處長此令

內務總長朱啓鈴呈請任命祝書元爲司長應照准此令

內務總長朱啟鈴呈准江蘇巡按使韓國鈞咨請任命溫朝詒爲江蘇水上警察第一廳廳長

趙曾鵬爲江蘇水上警察第二廳廳長應照准此令

財政總長周自齊呈請將粵省驗契徵收得力人員照章給予獎勵等語廣東潮陽縣知事周

景薰驗契報收六萬元以上電白縣知事曹桂林報收二萬元以上南海縣知事陳嵩澧順德

縣知事鄧彥遠香山縣知事殷紹章廣甯縣知事周學仕開平縣知事龍志滅揭陽縣知事顧

石蓀普甯縣知事林莫安吉浦縣知事馮洎釗靈山縣知事李瑞宙欽縣知事謝措防城縣知

事劉殿臣陽江縣知事張錦芳各報收一萬元以上均屬克著成效應准各給予五等金質單

鶴章以昭激勸餘如所請辦理此令

據內務總長朱啓鈴呈准奉天兼署巡按使張錫鑾咨陳前任蓋平縣知事汪鳴鶴政績據情懇請優獎等語該縣地當衝要前年兵亂之際該知事獨能運籌擘畫化一爲夷其辦理交涉事宜尤能遇事持平保全權利實屬勤政愛民汪鳴鶴著即傳令嘉獎即由該部轉行知照此令

內務總長朱啓鈴呈准直隸巡按使朱家寶咨據天津警察廳長楊以德詳稱現因裁減經費請將行政科科長王方瀛免去本官等語王方瀛准免本官此令

內務總長朱啓鈴呈准文官高等懲戒委員會議決前署四川溫江縣知事陸驥藉案違法朋比縱容一案依照知事懲戒條例應受第三條第一種第一款褫職處分其濫刑致斃二命係涉刑事範圍應仍提交法院審訊等語陳驥准照所議即行褫職并提交法院審訊按律究治以肅法紀此令

內務總長朱啓鈴呈准文官高等懲戒委員會議決前四川民政長陳廷傑糾劾罷梓潼縣知事陳大年署大邑縣知事孫玉堂署德陽縣知事喻經權署安縣知事胡德棻等一案依照知事懲戒條例均應受第三條第一種第一款褫職處分其陳大年一員并有勒贓濫刑情事涉及刑事範圍應提交法院審訊等語陳大年孫玉堂喻經權胡德棻著准照所擬褫職陳大年即交法庭從嚴審訊按律究辦以儆貪婪而申法紀此令

署察哈爾都統何宗蓮呈據鑲黃旗總管額色塔克們德報稱本旗副參領兼公中佐領巴扎爾前被庫匪擄去去年餘之久竟不設法脫離回旗實屬曠廢職務請即將該巴扎爾之副參領及所兼公中佐領員缺一併褫革以肅官方等語應照准此令

陸軍總長段祺瑞呈核准吉林巡按使齊耀琳咨陳請補東林正白旗驍騎校員缺一案應准以擬正之劉金絳借補此令

大總統申令

京電

茲修正熱河都統署歸綏都統署審判處暫行條例公布之此令

中華民國三年七月十六日

謹按

中央政府命令本報係照京電號碼譯登門或電碼有誤關係甚大應俟政府公報寄到時查對更正

教令第八十六號

陸海軍大元帥軍令程式令

第一條 陸海軍大元帥之命令曰軍令分爲左列五種

一 宣令

二 規令

三 訓令

四 密令

五 批令

第二條 軍令之公示全國者以宣令公布之

第三條 軍令之關聯行政者以規令公布之

第四條 陸海軍大元帥指揮訓示陸海軍以訓令行之

第五條 軍令之關係機要者以密令行之

第六條 陸海軍大元帥裁答關係軍事之陳請以批令行之但批令之關聯行政者須公布之

第七條 宣令規令訓令密令批令蓋用陸海軍大元帥印

第八條 規令及批令之關聯行政者由國務卿副署之

第九條 軍令之須公布者於政府公報公布之
 第十條 宣令規令訓令密令批令之格式依附表所定
 第十一條 本令自公布日施行

第一表

陸海軍大元帥訓令第

宣批

號

本文

中華民國

大元帥印

月

日

第二表

陸海軍大元帥規令第

號

本文

中華民國

大元帥印

月

日

國務卿副署

第三表

陸海軍大元帥密令第

號

本文

中華民國

大元帥印

月

日

陸海軍大元帥密令第

號

令某官

內件

中華民國

大元帥印

月

日

大總統批令

內務
財政

部呈准文官高等懲戒委員會議決前吉林國稅廳長文錦應得減俸處分文錦已經

免官無俸可減請訓示由
應俟補官後再行減俸此批

大總
統印

中華民國三年六月二十二日

大總統批令

內務參謀陸軍三部會呈核議長江巡閱使權限責任由

巡閱長江舊制以安徽太平爲本署湖南岳州江蘇瓜州分設行署湖北江西兩省尙無駐紮地點應於九江添設行署俾可派兵分駐兼顧鄂贛以資控馭餘均照所擬辦理卽由各該部轉行遵照此批

大總
統印

中華民國三年六月三十日

大總統批令

內務部呈湖南嘉禾縣擬准其專設清理積案機關以維城鄉秩序由
司法

准如所擬辦理卽由各該部轉行遵照此批

大總
統印

中華民國三年六月二十七日

飭

湖南巡按使公署飭

爲飭知事案據署武岡縣知事高遂泌詳稱案奉高檢廳第一七四〇號飭開照得城步縣管獄員蘇俊彥與監犯楊瑞清因債務纏繞一案前據該縣知事黃授書電陳到廳當經令飭蘇管獄員赴審去後茲據黃知事以該管獄員抗不投審擬請提省審辦或轉移鄰縣知事澈訊各等情兩次續電前來查城步離省甚遠提省審辦深滋拖累該縣管獄員缺本廳現已改委胡榮甲前往接署惟蘇管獄員雖經交卸而與黃知事舊有同寅關係所請轉移之處自屬可行除電復外合亟令行到該知事即便遵照移提此案人卷訊明確情依律判決呈報毋稍徇延切切此令等因奉此遵卽錄飭函請城步縣知事提解去後旋准將原被人証及全案卷宗咨解到署當卽督同承審員公開庭訊據監犯楊瑞清供稱蘇管獄兩次借款二百八十六元毫無虛僞有轉貸人証可質若以無契約論則比時方住獄署看守員房內圍烏檻猿甕盤俎肉非居對待地位何敢向索據憑况管獄員相待甚優曾以酒食款洽管獄蘇俊彥則力辯所控不實謂無借約可憑顯係乘其去職捏情訛詐鞠問再三情詞各執質以楊瑞清所指之轉貸人証呂豐恆程九芝等亦均供稱借貸確鑿且歷陳展轉籌措兩次交付情形核與各店流水簿載數目針孔相符惟未註明撥兌蘇管獄字樣知事伏查全案卷宗當楊瑞清之尙未宣布緩刑其時外間物議紛騰謂曾用洋三百二十元由管獄庶務劉麓樵卽六朝代楊瑞清

書出在獄並未用費分毫切結轉遞熊知事專案提訊各在案治楊瑞清緩刑宣布省釋免囚不久恰值蘇俊彥奉准移交管獄職務即發生債務糾葛及彭家鳳函索之問題大抵此案認爲債務關係實無契約可憑過戶可質故蘇俊彥得以有辭而楊瑞清則堅執前說矢口不移如何當面交銀如何退還台票皆能歷歷如繪論供証則蘇管獄不免嫌疑論契約則楊瑞清難成訴訟知事仰奉明命案涉官箴既未能確定是非即不敢妄施裁判理合將提訊各供開具清摺具文詳請鈞署俯賜鑒核應如何辦理或予提省訊辦之處伏乞示遵等情到署據此除批據詳已悉查前城步縣管獄員蘇俊彥與該縣緩刑犯楊瑞清互相訐控一案據該縣黃知事最初來電即謂楊瑞清所稱三次撥交蘇管獄員現洋二百八十六圓退回紙洋三十四圓有程九芝皮大和呂豐恆同人和等店人証簿據可憑調簿質訊均屬相符証以該知事此次來詳情詞吻合且據稱當楊瑞清尙未宣告緩刑之前外間物議紛騰即有用洋三百二十圓之說合之楊瑞清所供三次撥交及退回紙洋之數亦復不差累黍是蘇前管獄員之藉案婪索實屬種種可疑乃該前管獄員當黃知事集訊之時抗不赴質已近情虛迨經衆証僉供尤復矢口不承保非狡供避就本兼巡按使綜觀全案既應以楊瑞清之曾否交款以決贓証之有無尤當視楊瑞清之應否緩刑以定情罪之輕重究竟楊瑞清原犯何罪所處何刑與緩刑之要件是否具備其宣告之發動出自何人應飭城步縣知事詳查原案咨由該知事覆集訊明藉資參證案情曖昧事涉賍私一方宜從楊瑞清反復誘詰如非冀倖緩刑何致於巨額

債權不取憑據一方宜從蘇前管獄員設法研鞫如果楊瑞清緩刑係由該前管獄員請求宣告則其枉法受賍尤足徵信果能雙方澈實悉心鉤考不難廉得真情案關獄員犯贓該知事務須設除情面迅速依法判決以儆貪婪而挽末俗是為至要除飭知高等審判廳轉飭城步縣知事遵辦外仰即遵照仍具覆核奪此批印發外合行飭知飭到該廳即便轉 遵照此飭

靖武將軍兼巡按使湯蔭銘

右飭高等審判廳長潘學海准此

湖南民
政長印

中華民國三年七月十五日

湖南巡按使公署飭

為飭知事案據平江官鑛經理分處詳報解繳六月份熟金計重玖拾肆兩陸錢據稱已由該處核收等情到署據此查該分處採獲生金向係按月煉成熟金解交該處核收未據詳報其數目是否與該分處所報相符每兩熟金作價若干本署均無從查悉應由該處自本年一月起所收該分處熟金數目詳細造冊具報以憑查核其餘鉛錫銻各項鑛產每月用費若干出砂若干均未據該處詳報有案應統自本年一月起將各鑛開採砂數以及工程用費各情形先行造冊補報嗣後仍一律按月彙報一次以昭覈實合亟飭知該處即便遵照辦理此飭

靖武將軍兼巡按使湯薊銘

右飭官鑛經理處總理鄧振璣准此



中華民國三年七月十五日

詳批

靖武將軍兼巡按使批

批高等審判廳詳各承審員經費由

披閱來詳及各表單意在縮減縣署司法經費以輕人民負擔擘畫周詳深堪嘉許惟以各縣訴訟繁簡區分等第雖可稍節用人之費而於矜慎庶獄之道尙欠完全查從前行政官兼理司法之時善於聽斷者則訟獄皆歸而案牘轉煩貪酷顛預者民畏而裹足轉可收使民勿訟之效是訴訟繁簡全因乎審理之得人與否非若他項政務可以比較而懸定其未來若以表列各標準通行各屬此月祇三十餘案列爲乙種設一承審員者下月若增至四十餘案必請升爲甲種設二承審員矣法令祇可定其大概若過爲苛細徒滋紛擾至於錄事以縣署職員兼充本可省費但司法審判以守秘密負責任爲最要兼充之員對於承審員不負責任自不能約束從嚴指揮如意足爲債事之階若以不肖者濫竽其間遇事招搖其流弊尤難究詰是樽節經費之益少而貽患訴訟之害大本兼使深知湘民瘡痍未復豈忍重累此次籌畫各屬司法經費既不忍遇事誅求以困民亦不敢力趨苟簡以廢法現已訂定辦法仰候另飭遵照此批

呈

國務卿呈遵諭設置禮制館召集各員及開館日期籌擬大略辦法請鑒核交並 批令
爲遵諭設置禮制館召集各員及開館日期恭呈仰祈鈞鑒事案奉 大總統諭設置禮制

館附隸於政事堂延聘通儒分類編輯其內務部原設之編訂禮制會即行歸併等因奉此遵
經片交內務部查照在案查內務部原設編訂禮制會各員係出部分別聘委并呈准由各部
一體派員與議所有聘委各員多係究心禮制學有本深討論已得大凡編訂頗多成績擬仍
繼續聘委以收駕輕就熟之效至是項禮制與政事堂各局及各部職掌多有關係并擬將本
堂局長參議所長一律派令兼充館員仍查照前次內務部呈准成案通函各部各派通曉禮
制者一員常川到館用資商榷至該館開辦之後事務綦繁如文牘庶務等事均尙需員佐理
除內務部原派之事務員仍酌量留用外擬添派本堂機要同人員分別兼辦以資撙節至該
館既隸屬本堂擬即附設於政事堂公所應由內務部將編訂禮制會文件移交到堂即由本
堂將應行籌備事宜剋期籌辦現擇定於本年七月一號爲禮制館成立之期由堂刊刻木質
關防一顆文曰政事堂禮制館關防以資信守伏思治定制禮在代所崇况民國肇興事同開
創將欲釐定通禮尤必貫通新舊符合國情因革當審夫時宜權衡宜衷於至當世昌膺茲重
任益切冰兢既不敢率從簡陋以貽繇蕞之譏尤冀能及早觀成以爲率循之本惟有 謹與左
右丞督飭各員詳慎擬訂期臻完善以副我 大總統修明禮教之盛意所有禮制館開辦

日期暨籌擬大略辦法理合呈請
批令呈悉准如所擬辦理此批

大總統鑒核訓示施行謹 呈

大總
統印

中華民國三年六月二十八日

教育總長湯化龍呈歷史博物館現就國子監地方籌辦擬俟成立後再行開放并令該

館兼管文廟情形請鑒核文并 批令

爲歷史博物館現就國子監地方籌辦擬俟成立後再行開放并令該館兼管文廟情形仰祈
鑒核事竊准內務部咨開本部呈請開放京畿名勝場所並酌訂章程繕單請核示遵等情五
月二十三日奉批令呈單併悉所擬章程尙屬妥洽准予照辦除北海景山頤和園玉泉山外
應由該部酌擇一二處先行開放單存此批等因奉此查原呈所列文廟國子監隸屬貴部主
管應候本部酌定開放時再行知照并鈔錄原呈及章程咨請查照等因到部查文廟及國子
監兩處自民國元年經本部接管當以國子監一處所有辟雍等建築在前清時迭經儒臣攷
訂宏此規模關係於歷史學術者甚鉅於歷史博物館性質甚爲合宜是以前經國務會議議
決改國子監爲歷史博物館并由本部先就該地設立籌辦處在案歷史博物一項能令愚者
智開囂者氣靜既爲文明各國所重尤爲社會教育所資本部現正設法進行一俟籌辦完畢

自應正式開放至文廟爲尊師重地現今籌辦處暫行敬謹兼管將來應否開放應俟歷史博物館正式成立後再行酌量辦理所有呈明舊國子監業經改辦歷史博物館并兼管文廟情形謹乞 大總統鈞鑒訓示施行謹 呈
批令准如所擬辦理此批

大總
統印

中華民國三年六月二十八日

咨

教育部咨各省巡按使錄送通飭京內外各學校各書坊等中小學校修身及國文教科

書採取經訓以孔子之言爲旨歸飭知一件請分別飭遵文（附新知）

爲咨行事案國民教育首當注重國民道德國民道德之養成端賴有本國模範人物樹之表而立之準我國之有孔子固數千年來所奉爲師表國性之永存國維之弗墜胥在乎是本部擬於中小學校修身及國文教科書中採取經訓務以孔子之言爲旨歸曾經詳具理由呈請大總統批准在案附錄飭知一件應請貴巡按使分別飭遵以重教育實爲公便此咨

部印

中華民國三年六月二十四日

飭知一件

爲飭知事案照本總長呈請注重道德教育擬於中小學校修身及國文教科書內採取經訓務以孔子之言爲旨歸并審訂各教科書教授要目等辦法奉 大總統批卓識偉論

由部卽本斯旨詳審修訂等因查編訂教授要目審查教科書編纂綱要業經本部另定規程設會研究至坊間所發行之修身國文教科書以及各學校現編教程私人所纂課本節目不無參差取材未必悉合自應由本部遵照 大總統批行原案宣示要旨飭令改訂

以免家自爲教人自爲學之弊惟是本部所標尊孔要義與時流所論者微有不同非慎思明辨無以折百家聚訟之紛非確定塗程無以收統一教育之效茲事體大本總長不能不爲我全國學子一揭櫫之凡一國之存立能維持永久而勿失者必其國民有特殊之風俗歷史地理爲造成其特性之主因涵濡孕育篤生聖哲發揮此特性以立人倫之極者是謂國民模範人物被之爲道德施之於庠序保存光大此特性並不戾乎世界人類之公性者是謂國民教育國民教育以國民道德爲本根國民道德之淵源肇於國民特性而集其成於出類拔萃之模範人物也故夫一國教育必探其質幹所在標舉之以立人心之準斯能範圍不過曲成不遺泰西各國之以聖經列爲教科日本之以萬世一系天皇神聖等語刊之教本一基於宗教上之信仰一基於政治上之信仰其用意固別有在要皆導源於國民精神上之所固有未可以牽強附會剽取形似致失國性之真而貽無窮之患我國立國數千年其間幾經搖動簸盪而此泱泱雄大之國民性卒能卓然不可磨滅歷史已有明徵惟求之歷史人物致廣大而盡精微極高明而道中庸足以眩我國民性之全表示於世界各國而爲我國教育上之模範者莫大於孔子歷代之崇孔子多從事於訓詁詞章性理制藝之末求能本孔子之言行身體力行者蓋寡本總長以爲國民不自知其特性之所在則必漸失以至於亡國民不知尊崇其特性所寄之模範人物則必渙如散沙終并失其國民性孔子之道夫婦之愚可以與知其微言大義亦多散見羣經之內則於學校教科中採取其

言行之切於倫常日用者發揚吾民固有之秉彝而示以懿德庶國民教育對於國民模範人物本良知之信仰乃益顯其效能時賢有見於此盛倡尊孔之義以維教育用意之深至堪敬佩惟其中不可不辨者一則尊孔與國教不能併爲一談一則讀經與尊孔不能牽爲一事以立教爲尊孔於史無徵無徵不信不信民弗從也以讀經爲尊孔經籍浩繁義旨淵博兒童腦力有限與其全經課讀諸多扞格之虞孰若折衷聖言較得會通之益本總長深維國民教育與國民特性之關繫不能不以數千年所奉爲人倫師表者爲道德之準繩嗣後各書坊各學校教員等編纂修身及國文教科書採取經訓務以孔子之言爲旨歸卽或兼及他家亦必擇其與孔子同源之說從前業經審定發行之本如有違背斯義或漏未列入者並卽妥慎改訂呈部審查以重教育各該中小學校教員講解修身或國文時聞有徵引孔子言行之處並各依於生徒年齡程度循序演進更端指導務令淺深各有所得信仰積於無形率此以往甄陶薰育迪其所固有補其所不及模範人物旣爲國民精神之所寄國民道德自緣模範人物而日新斯國民教育必有最良之效果發見於全國以競美於世界較之以國教尊孔設專科讀經其遠近廣狹爲何如斯又不待辨而明者也所有本部宣示尊孔要義以定教育指鍼暨飭行審訂教科書編纂教授要目審查教科書編纂綱要各辦法除飭行教授要目編纂會教科書編纂綱要審查會編審處各員外合行特飭遵照此飭

教育總長湯化龍

部印

中華民國三年六月二十四日

國史館館長王團運咨湖南靖武將軍兼巡按使文

國史館爲咨行事本館組織成立已於六月十七日開館除呈報
大總統外相應咨明貴
巡按使查照可也此咨

湖南巡按使

中華民國三年七月十三日

蒙藏院總裁貢桑諾爾布咨湖南靖武將軍兼巡按使文

蒙藏院爲咨行事本院於七月四日由
政事堂領到院印一顆文曰蒙藏院印茲於七月六
日遵卽啟用除呈報
大總統外相應咨行貴將軍查照可也此咨

湖南靖武將軍兼巡按使

中華民國三年七月十三日

示

靖武將軍督理湖南軍務湯為

牌示事承准陸軍部咨開為咨行事保定陸軍軍官學校第一期學生定於暑假前後考試畢業所有預備學校學生預定十一月中旬升學所有前保定入伍生及前陸軍第一第三第四中學二期生第二中學一期生上次應入軍官學校遲到未能升入并已在軍官學校肄業因事經部批准降班者自應於十一月中旬一律隨同入校授課相應將該項學生赴校限期投到辦法試驗大綱落第回籍川資分為四項訂立章程與湖南應送學生姓名一併粘單咨行貴都督查照轉飭各該生遵照可也此咨等因承准此合行牌示并將原咨姓名暨章程四項抄列於後仰各該生知悉務於九月中旬來省報到呈驗文憑履歷以憑彙案咨送毋得自誤切切此示

照抄原咨姓名并章程四條

入伍生

- | | | | | | | | | |
|-----|-----|-----|-----|-----|-----|-----|-----|-----|
| 周傳銘 | 柳大琦 | 曾鐘喬 | 童耀奎 | 夏醉雄 | 陳義昭 | 謝基楨 | 胡德春 | 楊達尊 |
| 唐模 | 李銳 | 張鉅 | 劉克家 | 戴鴻勛 | 許鑫 | 唐斌 | 王果 | 符隆勛 |
| 劉興 | 王英兆 | 范新帆 | 馬騏 | 徐壯立 | 黃孝緒 | 劉建舞 | 鄧南驥 | 曹修焯 |
| 滕興焜 | 熊士鼎 | 周國俊 | 吳錫光 | 彭志道 | 陳心國 | 陳保定 | 李河清 | 陳宗澤 |

周駿

第三中學二期生

謝英 周慶祥 賓 璽 雷 洪 林昌武 劉高燦 謝代惇 蕭炳煌 田 璽

周泣珊 龍興華 李家興 陽知方 陳榮蔭 周宗濂 陳正權 劉尙義 朱耀雄

一册開各生在本年十月三十起至十一月八日止到保定軍官學校報到逾限者取消升學資格

二各生由本省長官咨送者到時但呈驗小學文憑其現居近畿省分不及迂回原省稟候咨送而逕自投到者除呈驗文憑外并須呈繳同學二人以上或在京供職薦任以上文武官之保證書以防頂冒無文憑及保證書者不錄

三報到後擇期試驗凡從前陸軍中學之學術科均須擇要試驗不及者不錄

四凡不錄之學生回籍川資均由本省支給

專件

巡按使公署政務廳啓事

啟者湘省此次大水爲災區域甚廣災情頗重前蒙 大總統頒帑三萬元并由兼使指撥公款均經分配賑恤在案茲復承各界捐資助賑迭奉兼使發下各處捐款文牘函件及數目清單并奉指配用途等因除捐款已遵示賑放外茲將各界函牘清單照登政報以彰義施而昭大信以後凡有關於此項賑捐即當繼續刊布奉揚仁風此啓

省城警察廳詳

爲捐款助賑請予嘉獎事案准陳君文璋函稱日來洪水爲災巡按使力籌賑濟并得廳長實心實力協同經理用能實惠及民曷勝感佩惟災區甚廣而博濟倍難自後善後諸方尤無在不須鉅款目前公私交困籌集尤艱每一思維杞憂曷已爰將家用力求樽節勉湊銅元一千串繳呈貴廳聊爲土壤泰山之助希卽察收等因似此熱忱公益解囊助捐災黎受惠之普固自無量私人慨助之意實屬可嘉此項善舉本慈善家之所爲求之近世何可多得實足以勵將來而箴末俗子文紆難春秋所稱卜式輸財有識推許非請予嘉獎無以昭示激勸除將銅元一千串收入賑款以資賑助外理合詳請鈞鑒應如何獎勵之處伏候核奪施行謹詳
靖武將軍兼巡按使

警察廳長張樹勳

(未完)

附錄

靖武將軍兼巡按使復湖南財政廳長函

芷泉仁兄閣下頃展惠械藉悉洪水爲災至關垂注代募捐款披誦之餘真見大君子饑溺爲懷熱誠好善曷勝佩荷賑款洋一百元已發交所司照收以備拯濟之用矣謹爲湘省災黎同聲致謝尊恙痊可即盼惠臨敝署一叙藉聆教益覆頌台祺

靖武將軍兼巡按使復長岳鎮守使函

玉亭仁兄麾下頃奉華翰並全旅官佐捐助湘省水災賑款二千零九十六元七角五分九釐就諭執事暨全旅各員痾瘵在抱饑溺爲懷推衛民之實心行救民之善事慨捐鉅款普濟災黎良深欽感已飭政務廳立即分配各災區俾得徧霑大惠除將捐款清單廣登省內外各報奉揚仁風外謹代全省災民百拜以謝專此佈覆順頌助祺

通告二則

靖武將軍兼巡按使 爲

牌示事照得北京高等師範學校添招預科考送湘籍學生三名一案業經出示並登報定期報名考試在卷現在已逾報名期限而報名應試者尙屬寥寥誠恐遠道遲誤或有向隅特展緩報名期限至本月十三日截止於二十日開始舉行考試合行牌示仰各該投考學生等一體知悉毋得遲延自誤切切特示

中華民國三年七月八日

附原條件

一 資格 中學畢業

二 考試科目

國文 英文 歷史 地理 理化 數學 博物

三 報名手續 攜帶畢業文憑四寸半身相片并繳卷費錢二百文

四 報名地點 省教育會

湖南巡按使公署爲出示招收專案准北京清華學校函載做校中等科一年級向由各省照章選送湖南應派學額四名希查照規約認真選送至京覆試等因合行廣告投考各生查照後開條件攜帶四寸相片於七月二十日前來本公署號房報名

一 資格 十一歲至十三歲確隸湘籍者

二 科目 國文 英文 歷史 地理 算術 命題

三 試期 八月一日二日

四 覆試期 九月初十一十二十三日須八月底到京
清華學校招考規約已登六月二十七號本報

中華民國三年六月二十二日 示

官書報局廣告

啓者本局設立編輯處延聘碩儒鉅子編譯經史政治法律經濟各種書籍暨專門學校中小初等各學校教科參攷各書並奉 令將前辦之圖書編譯局歸併合辦所有各書正在從事編輯其已出版者特爲標出各書諸君購閱請逕向學院街本局總發售處面訂可也計開書目如左

國語教授法

洋二角八分八釐

算術教授法

洋一角六分八釐

手工教授法

洋一角一分四釐

圖畫教授法

洋一角一分四釐

以上四種日本田中廣吉著南州熊崇煦譯

合購洋六角八分四釐

初等小學讀本

第一卷

洋三分

初等小學讀本教案

第一卷

洋一角二分

初等小學讀本

第二卷

洋三分六釐

初等小學讀本教案

第二卷

洋一角八分

初等小學修身書

第一卷

洋一分八分

初等小學修身教案

第一卷

洋六釐

初等小學修身書

第二卷

洋二分四釐

初等小學修身教案

第二卷

洋六分

初等小學修身書第一卷掛圖十三張

第一卷

洋一元二角

初等小學算術教案

第一卷

洋一角二分

小學各科實際教授法

第一卷

洋一元二角

手工教科書

美國博克維爾氏著
江蘇謝慧叔譯

特裝每册

洋三角

少儀教科書

日本相島龜三郎著
湘潭胡邁譯

特裝

洋九角

兒童教授法

美國耳哈博士著
南昌羅黑子譯

特裝

洋四角另二釐

兒童自力研究之啓導法

美國麥加利博士著
南昌羅黑子譯

特裝

洋二角四分

兒童個性之研究

日本大川義行著
長沙楊樹遠譯

印刷中

新教育學

日本大瀨甚太郎著
長沙黃獨譯

印刷中

本局出售各書從前係照碼六折發行久經於湖南政報登載廣告茲恐閱者或有誤會以致疑其昂貴特將各書價碼照實售價值改正 閱者注意

